

Mopani

16 - 18 Januarie 2013 - Senior Burger Saamtrek
18 - 19 Januarie - Streekskamp & Jeugkamp

Rietvallei se 2013 kampprogram is ingelui deur die senior burgers wat reeds die voorafgaande dae voor die naweek saamgetrek het. Die naweekprogram is dan ook vir die derde keer deur die jeug beplan en ten spyte van gure weer het daar steeds 12 jonges-van-dae, waarvan 5 gaste was, kom kamp. Soos oudergewoonte het die jonges-van-gees (Aka. seniors / kierie-korps) in groot getalle opgedaag. Die Vrydagaand is bobotie en rys verkoop en die jonges-van-dae het die kampopening, boekevat en algemene afkondigings behartig. Die warmwaterswembad was 'n treffer, en die bietjie reën



uitgedaag vir 'n rondte 'ring-gooi'.

Dit was duidelik dat die jonges-van-gees baie meer ervaring in ring-gooi het. Annemarie Engelbrecht het weggestap met die "wisseltrofee", na 'n noue oorwinning oor Oom Neels de Klerk. Die jonges-van-dae het allerlei speletjies gespeel, en die jonges-van-gees het spontaan deelgeneem.

het nie die jeug afgeskrik nie. Saterdagoggend het Rudi en sy jonge-van-dae ons verras en aan al die aktiwiteite deelgeneem, die jonges-van-dae het waterkrieket gespeel, en toe die reën ophou het hulle die jonges-van-gees





Later die middag is 'n skattejag gehou, en dit was moeilik om te sê wie dit die meeste geniet het. Op 'n stadium was daar bekommernis dat 'n groepie jonges-van-gees dalk verdwaal het, maar hulle het wel op eie stoom hulle pad terug gevind.

Teen laatmiddag wou die son so bietjie kop uitsteek en daar is van die geleentheid gebruik gemaak om so 'n bietjie om die kamp deur die veld te stap voor die reën dalk weer uitsak. Dit was nogal iets besonders om te sien hoeveel met kaalvoete die pad aangedurf het (moet byvoeg die pad was lekker sanderig met geen dorings en klippe vir die sage stadsvoete nie).



Die jonges-van-dae het die aand stokbrood gebraai, en die saambraai is weens die reën vinnig omskep in 'n buurvrou-braai (die streek het teen einde verlede jaar uit buurmanne gehardloop om te braai).

Sondagoggend se kerkdiens is gevolg deur 'n waatlemoenfees, waarna almal op hulle eie tyd opgepak en huistoe vertrek het, tot 'n volgende kamp.

Wayne en Denise Botha, ons Jeugverteenvoerdigers

Een van ons besoekers van Kiepersol-streek wat saam met ons die naweek geniet het was Johan en Alet Lemmer. Margriet het Johan genader met die versoek: “*Sal jy iets skryf oor jou ervaring as besoeker by die Mopani-kamp?*”

Hoe sal dit wees om weer saam met ‘n paar toermaats te kamp? Rietvallei se senior burgerkamp by Mopani is die antwoord. Margriet sê dis reg, Tjaart sê kom gerus. So kom ons Woensdag by Mopani aan en hou stil om te kyk waar ons kan nesskop. Daar is al ‘n paar woonwaens. Neels de Klerk kom aangestap om te kyk wie se vreemde woonwa dit is. Hy groet ons hartlik, vra uit na ons welstand en stap saam om die terrein te verken. Margriet kom ons tegemoet en heet ons welkom, dis nou al twéé toervriende. Maar daar sal nog minstens tien wees, dis soos ‘n reünie.

Ons het skaars die woonwa en afdak staan gemaak of Margriet nooi ons vir tee en koek in die lapa. Dis Wim se verjaarsdag. Ons gesels en kuier ‘n hond uit ‘n bos met al die mense. So begin die kamp op ‘n hoë noot.

Die bewolktheid en deurdringende reën skrik die “werkendes” nie af nie en hulle arriveer Vrydag. Dis ‘n naweek waar die jongmense ‘n groot rol speel. Hulle doen al die aankondigings en neem die boekvatgeleenthede waar. Saterdag reël hulle ‘n skattejag waaraan oud en jonk deelneem. Die mooi verhouding tussen kinders, ouers en senior burgers is opmerklik. Dis soos dit hoort, een groot famlilie! Sondag se godsdiensoefening is ‘n verdere voorbeeld van wisselwerking toe ons onder leiding van Jacques Fourie deel vorm van sy boodskap. Die jeug nooi ons daarna vir ‘n waatlemoenfees in die kleine. ‘n Paar loop selfs onder die sopperige skywe deur wat in die louwarmwater van die swembad afgespoel word.

Ons het al saam met baie streke gekamp. Soms is dit maar ‘n eensame besigheid, tussen bekendes maar so alleen. Nie hier nie. Van die begin af is ons op ‘n natuurlike wyse betrek by geselskap en aktiwiteite, of dit nou koffiedrink, saam-eet, buurmanbraai of spontane wandelinge in die boomryke omgewing was. Dit was werklik ‘n aangename tyd saam met Rietvallei. Die welkome reën, mooi omgewing en vriendelike mense het ‘n rustigheid en vrede gebring wat ‘n lafenis vir siel en liggaam was. Dis mos Sawa-gasvryheid! Nogmaals dankie aan Tjaart en al die kampeerders vir ‘n aangename ervaring.

Saterdag kaperjolle





Met sang en 'n pragtige boodskap het Jacques Fourie die naweek afgesluit.



Rietvallei-jeug wat so ywerig deelgeneem en georganiseer het gedurende die naweek!

Steve en Lulu (foto links) het ons Sondag verras en die diens bygewoon.



Wayne, Annemarie, Denise en Richard Botha (in die middel) ontvang hul plaatjie as kampkommandante van Mel (links) en Diana (regs).



Hennie en Annemarie Engelbrecht ontvang hul 120ste Streek saamtrek-toekenning van Tjaart.